



Broj: 01-187/23
Vareš, 31.07.2023. godine

Z A P I S N I K
sa 26. sjednice Općinskog vijeća Vareš,
održane 31.05. 2023. godine

Predsjedavajuća OV pozdravila je sve prisutne.

Izvršena je prozivka vijećnika.

Prisutni vijećnici: Mirnes Ajanović, Sahudina Beganović, Nurdin Begović, Maja Berberović, Mahira Brkić, Amela Brkić, Asmir Čizmo, Dario Dodik, Zakir Džafo, Zdenko Franjić, Nazif Hajrić, Igor Hinger, Šaban Ibrišimović, Emir Islamović, Ešref Likić, Mario Mirčić, Nedžad Mušanović, Malik Rizvanović i Nikola Šimić.

Odsutni: Nema.

Mahira Brkić – predsjedavajuća Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajuća OV otvorila je 26. sjednicu s početkom u 14.10 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnik načelnika - gosp. Ermin Musa, rukovodilac JURA – gosp. Rusmir Berberović, ispred Službe za opću upravu, društvene djelatnosti i BiZ – gosp. Mesad Đido i gosp. Malik Likić, ispred Zajedničkog općinskog pravobranilaštva – gosp. Belma Karamustafić, direktori javnih preduzeća i javne ustanove – gosp. Zafer Kamenjaš, gosp. Ivan Miletović, gosp. Suljo Abadžija, gosp. Fikret Operta i predstavnici medija.

Sekretar OV Leon Pavlović izvijestio je Vijeće da su na 25. sjednici OV održanoj 27.04.2023. godine donesena dva (2) zaključka koja su i realizovana. Postavljeno je sedam (7) vijećničkih pitanja. Na pet (5) pitanja dat je usmeni i pisani odgovor a na dva (2) pitanja dat je samo usmeni odgovor od strane Općinskog načelnika na samoj sjednici. Podnosiocu i svim ostalim vijećnicima dostavljeni su pisani odgovori. Pokrenuta je jedna (1) Inicijativa koju je po Zaključku vijećnik trebao dostaviti u pisanoj formi. Ista nije dostavljena.

Općinski načelnik Zdravko Marošević pod aktuelnim pitanjima izvijestio je prisutne da je Vlada ZDK posjetila Općinu Vareš i da je održan radni sastanak na kome je Vlada upoznata sa stanjem u našoj općini, aktuelnim dešavanjima, projektima i investicijama. Od Vlade je zatražen ravnopravan tretman posebno kad se radi o regionalnim putevima. Vlada ZDK posjetila je i kompaniju Adriatic Metals BH. Izvijestio je javnost i Vijeće o problemima s akcentom na imovinsko-pravne probleme koji su naslijeđeni od bivšeg sistema, privatizacije i projekata koji se danas dešavaju u našoj općini i pokušaja od strane određenih subjekata da zaustave ove projekte ili da ometaju. U vezi s tim izjavio je da Općina Vareš jasno prati zakonske i općinske akte u vezi javnih interesa. O istom je dao pojašnjenje.

(Izjašnjavanje vijećnika o dobivenom odgovoru)

Nije bilo učesnika.

(Vijećnička pitanja i Inicijative)

Dario Dodik

1. Pitanje postavljam Službi za prostorno uređenje. Da li je prostor koji se nalazi na završetku ulice Pruga, gdje imamo jedan zemljani dio gdje se nalaze kontejneri a gdje kamion koji dolazi po odvoz smeća konstantno iznosi blato sa tog dijela na asfaltirani dio, da li je taj dio planiran u rekonstrukciju i ako nije da li se može ubaciti kao dodatak? (dato je pojašnjenje)
2. Objekti koji se nalaze u ulici Planinarska, kod poligona imamo 2 ili 3 objekta gdje su poskidane cigle i gdje vise konstrukcije, skoro pa da su popadale, da li je tu izvršena kontrola i da li se mogu ukloniti postojeći viseći dijelovi krovova koji su ostali sada na trulim gredama pošto su i zidovi porušeni? (dato je pojašnjenje)

Amela Brkić

3. Pitanje vezano za užu gradsku zonu, za sigurnost građana u Kuli A, radi se kabl koji je jako nisko da se može rukom dohvatiti, ne znam o kojem kabl se radi. Da se uputi Elektroprivredi da se taj kabl izmjesti jer je zakačen i za privatni balkon. (dato je pojašnjenje)
4. Pitanje se odnosi na održavanje ceste Breza-Vareš,- u periodu kiša voda teče cestom jer su svi kanali začepljeni, apsolutno se ne održavaju ti kanali, uz to je i voda iznijela sav šljunak na cestu što još dodatno otežava vožnju.

Emir Islamović

5. Moje pitanje se odnosi na firme koje su pod stečajem i na one koje firme koje nemaju vlasnika i sl. Kakva je naplata komunalnih naknada i koliko duguju i da li su u obavezi oni da uređuju/održavaju svoje firme? Jer kada ulazite u Vareš izgledaju zaista ružno. Da li postoji neki način da se natjeraju da izvršavaju svoje obaveze ili da Općina tuži pa da uzima dio po dio njihove imovine i da Općina upravlja tom imovinom? (dato je pojašnjenje)

Sahudina Beganović

6. Po pritužbi građana općine Vareš ukazujem na problem nezadovoljstva sanacije udarnih rupa na regionalnom putu R 444 od strane izvođača radova.
Pitanje postavljeno pisanim putem.

Nurdin Begović

7. Postoji li mogućnost da se uz trenutne radove na stepenicama koje vode prema Selištu postavje gelenderi koji će olakšati starijim osobama silazak i penjanje uz iste?
Pitanje postavljeno pisanim putem.
8. Postoji li mogućnost ponovnog uvođenja plesne radionice „balet“?
Pitanje postavljeno pisanim putem.

Predsjedavajuća OV stavila je na raspravu Zapisnik sa 25. sjednice OV.

Nije bilo primjedbi i predsjedavajuća OV stavila je na izjašnjavanje Zapisnik sa 25. sjednice OV i nakon izjašnjavanja vijećnika konstatuje da je **jednoglasno sa 16 glasova „ZA“** (odsutni vijećnici: Nedžad Mušanović, Sahudina Beganović i Mario Mirčić) **usvojen Zapisnik sa 25. sjednice OV.**

Predsjedavajuća OV stavila je na raspravu prijedlog dnevnog reda 26. sjednice OV koji je usuglašen na Kolegiju Općinskog vijeća.

Općinski načelnik Zdravko Marošević kao ovlašteni predlagач izjavio je da sa dnevnog reda povlači tačku 1. „Prijedlog Odluke o osnivanju općinskog pravobranilaštva Općine Vareš.“

Vijećnik Dario Dodik uz dato pojašnjenje predložio je da tačka 11. „Informacija o zimskom održavanju lokalnih i regionalnih puteva i gradskih ulica“ bude tačka 4.

Predsjedavajuća OV Mahira Brkić uz dato pojašnjenje predložila je dopuna dnevnog reda sa tačkom 1. a) „Prijedlog Rješenja o razrješenju vršioca dužnosti člana Upravnog odbora JU „Dom zdravlja“ Vareš i b) Prijedlog Rješenja o imenovanju vršioca dužnosti člana Upravnog odbora JU „Dom zdravlja“ Vareš“.

Nije više bilo učesnika i predsjedavajuća OV stavila je na izjašnjavanje prijedlog dnevnog reda 26. sjednice OV sa predloženim izmjenama i dopunama i nakon izjašnjavanja vijećnika konstatuje da je **jednoglasno sa 17 glasova „ZA“** (odsutni vijećnici Sahudina Beganović i Mario Mirčić) **usvojen sljedeći**

Dnevni red

1. a) Prijedlog Rješenja o razrješenju vršioca dužnosti člana Upravnog odbora JU „Dom zdravlja“ Vareš.
b) Prijedlog Rješenja o imenovanju vršioca dužnosti člana Upravnog odbora JU „Dom zdravlja“ Vareš“.

Izvjestilac: Općinski načelnik.

2. Prijedlog Odluke o raspodjeli sredstava za neprofitne organizacije/udruženja građana – transfer za neprofitne organizacije.
Izvjestilac: Mersad Đido.

3. Prijedlog Odluke o izmjenama Odluke o izboru stalnih radnih tijela Općinskog vijeća Vareš.
Izvjestilac: Sekretar OV.

4. Informacija o zimskom održavanju lokalnih i regionalnih puteva i gradskih ulica.
Izvjestilac: Ermin Musa.

5. Izvještaj o radu JKP d.o.o. Vareš za 2022. godinu.
Izvjestilac: Direktor JKP d.o.o. Vareš.

6. Izvještaj o radu i poslovanju JP „Veterinarska stanica“ d.o.o. Vareš za 2022. godinu.
Izvjestilac: Direktor JP Veterinarska stanica d.o.o. Vareš.

7. Izvještaj o radu JU „Dom zdravlja“ Vareš za 2022. godinu.
Izvjestilac: Direktor JU Dom zdravlja Vareš.

8. Izvještaj o radu i finansijskom poslovanju JP „Vareš-stan“ d.o.o. Vareš za 2022. godinu.
Izvjestilac: Direktor JP Vareš-stan d.o.o. Vareš.

9. Prijedlog Rješenja o utvrđivanju prava vlasništva u korist JP „Šumsko privrednog društva Zeničko-dobojskog kantona“ d.o.o. Zavidovići i „Šummex-a“ d.o.o. Vareš (naselje Ljepovići, Vareš)
Izvjestilac: Ermin Musa.

10. Izvještaj o realizaciji Strategije razvoja Općine Vareš za period 2017-2026. godine, za 2022. godinu.
Izjestilac: Rusmir Berberović.
11. Strategija razvoja Općine Vareš 2017-2026. godine – revidirani dokument.
Izjestilac: Rusmir Berberović.
12. Informacija o realizaciji Strategije razvoja omladinske politike na području općine Vareš za period 2019-2024. godine, za 2022. godinu.
Izjestilac: Mersad Đido.
13. Informacija o realizaciji Strategije razvoja i unapređenja socijalne zaštite na području općine Vareš za period 2019-2024. godine, za 2022. godinu.
Izjestilac: Mersad Đido.
14. Tekuća pitanja.

Ad. 1.

- a) *Prijedlog Rješenja o razrješenju vršioca dužnosti člana
Upravnog odbora JU „Dom zdravlja“ Vareš,*
- b) *Prijedlog Rješenja o imenovanju vršioca dužnosti člana
Upravnog odbora JU „Dom zdravlja“ Vareš.)*

Izjestilac nije imao dodatno pojašnjenje za ovu tačku dnevnog reda.

Nije bilo rasprave i predsjedavajuća OV stavila je na izjašnjavanje Prijedlog Rješenja o razrješenju vršioca dužnosti člana Upravnog odbora JU „Dom zdravlja“ Vareš.

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“** (odsutni vijećnici Sahudina Beganović i Mario Mirčić) **usvojeno**

***Rješenje o razrješenju vršioca dužnosti člana
Upravnog odbora JU „Dom zdravlja“ Vareš.***

Predsjedavajuća OV stavila je na izjašnjavanje Prijedlog Rješenja o imenovanju vršioca dužnosti člana Upravnog odbora JU „Dom zdravlja“ Vareš.

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“** (odsutni vijećnici Sahudina Beganović i Mario Mirčić) **usvojeno**

***Rješenje o imenovanju vršioca dužnosti člana
Upravnog odbora JU „Dom zdravlja“ Vareš.***

Ad. 2.

(Prijedlog Odluke o raspodjeli sredstava za neprofitne organizacije/udruženja građana – transfer za neprofitne organizacije.)

Komisija za statutarne pitanja i propise na 21. sjednici održanoj 23.05.2023. godine jednoglasno je donijela sljedeći Zaključak:

- **Komisija za statutarne pitanja i propise nema primjedbi na Prijedlog Odluke o raspodjeli sredstava za neprofitne organizacije/udruženja građana – transfer za neprofitne organizacije i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Zakir Džafo (*u svom obraćanju postavio je pitanja: „da li je neko od aplikanata na javni poziv imao aplikaciju, a da njegova aplikacija nije prihvaćena iz nekih razloga i da li neko od aplikanata koji se spominju ovdje u nazivu korisnika, da neki od njihovih projekata nije prošao?“*, ispred RVI postavio pitanje „zašto je aplikacija humanitarnog karaktera odbačena, nije razmatrana i bodovana?“ nisu dobili odgovor, o istom je dao pojašnjenje i moli da neko iz komisije da dodatno pojašnjenje da li udruženje može raditi za pružanje pomoći svojim članovima?“), Općinski načelnik Zdravko Marošević (*u svom obraćanju dao je određena pojašnjenja i mišljenja je da se možda od iduće godine braniteljska populacija, odnosno njihova udruženja trebaju odvojiti od civilnih udruženja kao i sredstva u budžetu,*), Zakir Džafo (replika), šef Odsjeka za društvene djelatnosti Mersad Đido (*dao je određena pojašnjenja u vezi zakonske procedure osnivanja udruženja i pravno-tehničkog naziva, upoznao je prisutne da je Komisija za provođenje procedure po javnom pozivu radila u skladu sa Odlukom iz 2014. godine i da je Komisija zauzela stav da će za narednu godinu pripremiti se odvojene odluke sa kriterijima, jedna za udruženja proistekla iz rata a druga za ostala udruženja*), Zakir Džafo (replika), Malik Likić ispred Komisije dao je odgovore na neka pitanja vijećnika i upoznao prisutne sa provedenom procedurom po javnom pozivu, Nurdin Begović kao član Komisije dao je objašnjenje u vezi javnog poziva i kriterija koji su u skladu sa Odlukom a akcentom na aplikacije Udruženja RVI.

Zaključena je rasprava i predsjedavajuća OV stavila je na izjašnjavanje Prijedlog Odluke o raspodjeli sredstava za neprofitne organizacije/udruženja građana – transfer za neprofitne organizacije.

Nakon izjašnjavanja vijećnika predsjedavajuća OV konstatuje da je sa 18 glasova „ZA“ i 1 „SUZDRŽANIM“ glasom usvojena

Odluka o raspodjeli sredstava za neprofitne organizacije/udruženja građana – transfer za neprofitne organizacije.

Ad. 3.

(Prijedlog Odluke o izmjenama Odluke o izboru stalnih radnih tijela Općinskog vijeća Vareš.)

Komisija za statutarne pitanja i propise na 21. sjednici održanoj 23.05.2023. godine jednoglasno je donijela sljedeći Zaključak:

- **Komisija za statutarne pitanja i propise nema primjedbi na Prijedlog Odluke o izmjenama Odluke o izboru stalnih radnih tijela Općinskog vijeća Vareš i isti upućuje Vijeću na razmatranje.**

Predsjedavajuća OV skrenula je pažnju da je kod ovog Prijedloga Odluke došlo do kršenja Poslovnika o radu OV (član 36. stav 2.), Komisija za izbor i imenovanja nije razmatrala navedeni Prijedlog Odluke. U vezi s tim predsjedavajuća OV predložila je i stavila na izjašnjavanje sljedeći

Zaključak:

- **Da se Prijedlog Odluke o izmjenama Odluke o izboru stalnih radnih tijela vrati Komisiji za izbor i imenovanja radi provođenja procedure u skladu sa aktima OV.**

Nakon izjašnjavanja vijećnika predsjedavajuća OV konstatuje da je **jednoglasno sa 19 glasova „ZA“ usvojen predloženi Zaključak.**

Predsjedavajuća OV sugerisala je Klubu SDA da umjesto predloženog člana u Prijedlogu Odluke, dostave prijedlog kandidata koji se nalazi na izbornom spisku za općinu Vareš, jer kandidat koji je predložen prijavljen je u drugoj općini. O istom je dala pojašnjenje.

Ad.4.

(Informacija o zimskom održavanju lokalnih i regionalnih puteva i gradskih ulica.)

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Dario Dodik (*iznio problem u vezi zimskog održavanja manjih ulica u gradskom području, podsjetio na raniji dogovor za nabavku malog stroja za čišćenje, mišljenja je da prioritet JKP treba da bude zimsko održavanje ulica u gradu i lokalnih puteva, sugerise da u narednoj Informaciju bude podatak koliko je sredstava planirano a koliko je potrošeno za zimsko održavanje*), Nedžad Mušanović (*iznio pozitivno mišljenje za održavanje puteva u MZ Ravne*), Amela Brkić (*postavila je pitanje „od koga je JKP angažovalo prema ukazanim potrebama vozilo za čišćenje, ko je napravio oštećenja na zidu korita Stavnje i da li se planira popravka istog i ko će to finansirati?“*), Nikola Šimić (*potrebno je izvršiti nabavku adekvatne opreme za čišćenje ulica i manjih prostora u gradu, mišljenja je da bi se trebalo ispitati mogućnost da se dionica kroz grad izuzme iz održavanja izvođača koji održavanju regionalni put i da održavanje kroz grad preuzme Općina o istom je dao pojašnjenje*), Mahira Brkić (*sugerisala je vijećniku Šimić Nikoli da je mogao predložiti i zaključak o iznesenom prijedlogu koji bi se uputio nadležnom ministarstvu*), direktor JKP d.o.o. Vareš Zafer Kamenjaš (*dao je određena pojašnjenja i odgovore, izjavio da se generalno treba riješiti i urediti ova tematika i zamolio Vijeće i Načelnika da se održi sastanak na kome bi se raspravljalo o problematici i donijeli konkretni zaključci*), Općinski načelnik Zdravko Marošević (*izjavio je da razumije određene pritužbe na održavanje puteva i da je potrebno obogatiti preduzeće sa tehničkim, stručnim i ljudskim resursima, podsjetio je prisutne da je i ranije traženo da održavanje gradskih ulica pripadne u nadležnost Općini ali nije bilo odgovora od nadležnih*) i Dario Dodik (*traži da se krene u realizaciju nabavke malog stroja za čišćenje*).

Zaključena je rasprava i predsjedavajuća OV konstatuje uz Zaključak da je **Vijeće primilo k znanju**

Informaciju o zimskom održavanju lokalnih i regionalnih puteva i gradskih ulica.

Predsjedavajuća OV na osnovu rasprave predložila je i stavila na izjašnjavanje sljedeći
Zaključak:

Zadužuje se predsjedavajuća OV Vareš da u koordinaciji sa direktorom JKP d.o.o. Vareš, sa Načelnikom Općine Vareš i Kolegijom OV Vareš u prvoj polovini mjeseca jula odredi termin i zakaže tematsku sjednicu sve u vezi problematike koja je iznesena u raspravi na 26. sjednici OV pod tačkom Informacija o zimskom održavanju lokalnih i regionalnih puteva i gradskih ulica.

Nakon izjašnjavanja vijećnika predsjedavajuća OV konstatuje da je **jednoglasno sa 18 glasova „ZA“** (odsutan vijećnik Malik Rizvanović) **usvojen predloženi Zaključak.**

Ad.5.

(Izveštaj o radu JKP d.o.o. Vareš za 2022. godinu.)

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Igor Hinger (podsjetio direktora na obećanje za postavljanje betonskih kanti za otpad na proširenjima puta od Dabravina prema Varešu i iznio problem u vezi kontejnera koji se nalazi na izletištu Ponikve koji nema svoju svrhu, o istom je dao pojašnjenje), Amela Brkić (postavila je pitanje koje je i ranije postavljala „kada se može očekivati sanacija mosta na pijaci?“), Maja Berberović (postavila pitanje „koji su razlozi pa još nije počela sanacija mosta na pijaci?“), Asmir Čizmo (traži pojašnjenje u vezi prekida vodosnadbijevanja u naselju Ljepovići), Emir Islamović (postavio pitanje u vezi sanacije odlagališta „Kota“ i izgradnje reciklažnog dvorišta –kada se to treba uraditi i koji je rok trajanja odlagališta „Kota“, skrenuo pažnju na potrebu adekvatnog ljetnog održavanja parkova i postavio pitanje ispred određenih građana da li bi moglo doći do smanjenja cijene vode), Dario Dodik (traži da se krene malo aktivnije ispunjavati svrha postojanja preduzeća a to je komunalna djelatnost - čistoća, urednost, odvoz smeća, održavanje i sl., o istom je dao pojašnjenje), Zdenko Franjić (postavio pitanje „kada će voda doći na Zaruđe i Stricu do krajnjih korisnika?“) i Nurdin Begović (izvijestio je prisutne da je kao predsjednik MZ Vareš dobio dopis od Instituta za zdravlje i sigurnost hrane u kome je navedeno da voda nije ispravna, kontaktirao je JKP ali još nije dobio odgovor i u vezi s tim traži informaciju od direktora), direktor JKP d.o.o. Vareš Zafer Kamenjaš (u svom obraćanju upoznao je prisutne sa određenim zakonskim procedurama koje preduzeće mora ispoštovati u svom radu i odgovorio na postavljena pitanja vijećnika u raspravi, izvijestio je prisutne da su uzeti uzorci vode i urađena je ponovna analiza vode od strane nadležnog Zavoda 24.05.2023. godine, Zavod je nalaze dostavio i nalazi su uredni u svim školama, JU Dom zdravlja, naselju Ljepovići, direktor je Izveštaj sa analizom vode predao predsjedavajućoj OV), predsjedavajuća OV Mahira Brkić (radi javnosti još jednom je naglasila da je nakon dopisa JU Dom zdravlja Vareš, JKP d.o.o. Vareš poslalo na analizu uzorke vode gdje nadležnost ima preduzeće i da je od Zavoda stigao dopis u kome su naveli da je voda ispravna) i Dario Dodik (replika).

Zaključena je rasprava i predsjedavajuća OV stavila je na izjašnjavanje Izveštaj o radu JKP d.o.o. Vareš za 2022. godinu.

Nakon izjašnjavanja vijećnika predsjedavajuća OV konstatuje da je **jednoglasno sa 19 glasova „ZA“ usvojen**

Izveštaj o radu JKP d.o.o. Vareš za 2022. godinu.

Ad.6.

*(Izveštaj o radu i poslovanju
JP „Veterinarska stanica“ d.o.o. Vareš za 2022. godinu.)*

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Nedžad Mušanović (*postavio pitanje koja su to četiri nova imanja vlasnika životinja i da li preduzeće može naplatiti svoja potraživanja koja su navedena u Izveštaju*), predsjedavajuća OV Mahira Brkić (*skrenula je pažnju vijećnicima da ne napuštaju sjednicu u velikom broju nego ako je potrebno da zatraže pauzu*), direktor JP Veterinarska stanica d.o.o. Vareš Suljo Abadžija (*odgovorio je na postavljena pitanja vijećnika, iznio je određenu problematiku rada preduzeća, dao je osvrt na Odluku OV o visini naknade članovima upravljanja javnih preduzeća u kome je uz dato pojašnjenje izjavio da je za ovo preduzeće ta naknada previsoka, što je podržala i Skupština preduzeća*), predsjedavajuća Mahira Brkić (*dala je odgovore na neka pitanja direktora i podsjetila da je Vijeće susretalo se sa niz problema kada je u pitanju izbor i imenovanje rukovodnih organa-na javne oglase za članove organa upravljanja nema dovoljan broj prijava ili uopšte nema prijava, podsjetila je na Odluku Vijeća iz 2020. godine u kojoj je naloženo javnim preduzećima usklade svoje Statute, o istom je dala pojašnjenje*), Asmir Čizmo (*sugerisao je da se direktor u pisanoj formi obrati Vijeću i Načelniku i traži sufinansiranje razlike naknade za članove organa upravljanja preduzeća*), Zakir Džafo (*iznio je svoje mišljenje u vezi Odluke o naknadama*) i Dario Dodik (*podržava sufinansiranje*).

Predsjedavajuća OV uputila je direktora JP Veterinarska stanica d.o.o. Vareš da dostavi Vijeću za narednu sjednicu OV Inicijativu za sufinansiranje razlike naknade za organe upravljanja preduzeća i uputila je sugestiju da preduzeće uskladi Statut sa Odlukom Vijeća iz 2020. godine.

Zaključena je rasprava i predsjedavajuća OV stavila je na izjašnjavanje Izveštaj o radu i poslovanju JP „Veterinarska stanica“ d.o.o. Vareš za 2022. godinu.

Nakon izjašnjavanja vijećnika predsjedavajuća OV konstatuje da je **jednoglasno sa 18 glasova „ZA“** (odsutan vijećnik Nikola Šimić) **usvojen**

***Izveštaj o radu i poslovanju
JP „Veterinarska stanica“ d.o.o. Vareš za 2022. godinu.***

Ad.7.

(Izveštaj o radu JU „Dom zdravlja“ Vareš za 2022. godinu.)

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Dario Dodik (*iznio problema pojedinih pacijenata u vezi dugog čekanja za prijem kod porodičnog ljekara, mišljenja je da ustanova ne bi trebala slati pacijente u apoteku radi kupovine infuzija i igala za infuzije i sl., o istom je dao pojašnjenje*), Emir Islamović (*dao osvrt na broj osiguranika koji konstantno opada, postavio pitanje u vezi mogućnosti smanjenja plaćanja participacije za ugrožene pacijente, skrenuo pažnju na dug period čekanja pacijenata na pregled specijaliste*), Amela Brkić (*uz dato pojašnjenje sugerisala na*

mogućnost uspostave službenog tel. broja za obavještanje pacijenata o terminu pregleda), Zakir Džafo (uz dato pojašnjenje sugerisao na mogućnost specijalističkih pregleda za izdavanje ljekarskog uvjerenja i iznio problem parking prostora za invalidne osobe ispred ustanove, tj. da se vozila ustanove ne parkiraju na ta mjesta) i direktor JU Dom zdravlja Vareš Fikret Operta (upoznao je prisutne sa radom ustanove, problematikom u vezi nedovoljnog ljekarskog kadra i planiranim aktivnostima na poboljšanju rada ustanove, dao je odgovore na postavljena pitanja vijećnika u raspravi, te naglasio da pacijenti nisu dužni kupovati određeni medicinski materijal, dao je pojašnjenje).

Zaključena je rasprava i predsjedavajuća OV stavila je na izjašnjavanje Izvještaj o radu JU „Dom zdravlja“ Vareš za 2022. godinu.

Nakon izjašnjavanja vijećnika predsjedavajuća OV konstatuje da **je jednoglasno sa 18 glasova „ZA“** (odsutan vijećnik Nurdin Begović) **usvojen**

Izvještaj o radu JU „Dom zdravlja“ Vareš za 2022. godinu.

Ad.8.

*(Izvještaj o radu i finansijskom poslovanju
JP „Vareš-stan“ d.o.o. Vareš za 2022. godinu.)*

Izjesticilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Zakir Džafo (*traži od direktora informaciju o stanju imovine preduzeća pošto nije navedeno u Izvještaju i pojašnjenje u vezi dugoročnih dugovanja, ispred Kluba SDA izjavio da Klub neće podržati Izvještaj*), Amela Brkić (*podsjetila prisutne na zaključak Vijeća za pripremu tematske sjednice a u vezi rješavanja problematike preduzeća*), Nazif Hajrić (*traži od direktora da u narednim izvještajima navede se tačan podatak na kojim objektima i koji su radovi urađeni*), Dario Dodik (*mišljenja je da preduzeće treba iznaći način za dodatnim poslovima s tim da im prioritet bude osnovna djelatnost, o istom dao pojašnjenje*) i direktor JP Vareš-stan d.o.o. Vareš Ivan Miletović (*u svom obraćanju dao je pojašnjenja i odgovore na postavljena pitanja vijećnika u raspravi*).

Zaključena je rasprava i predsjedavajuća OV stavila je na izjašnjavanje Izvještaj o radu i finansijskom poslovanju JP „Vareš-stan“ d.o.o. Vareš za 2022. godinu.

Nakon izjašnjavanja vijećnika predsjedavajuća OV konstatuje da sa **5 glasova „ZA“, 8 glasova „PROTIV“ i 5 „SUZDRŽANIH“ glasova** (odsutan vijećnik Mirnes Ajanović) **nije usvojen**

***Izvještaj o radu i finansijskom poslovanju
JP „Vareš-stan“ d.o.o. Vareš za 2022. godinu.***

Predsjedavajuća OV dala je pauzu u trajanju od 45 minuta.

Nastavljeno je sa radom sjednice.

Ad.9.

*(Prijedlog Rješenja o utvrđivanju prava vlasništva u korist
JP „Šumsko privrednog društva Zeničko-dobojskog kantona“ d.o.o. Zavidovići
i „Šummex-a“ d.o.o. Vareš (naselje Ljepovići, Vareš)*

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Rješenja o utvrđivanju prava vlasništva u korist JP „Šumsko privrednog društva Zeničko-dobojskog kantona“ d.o.o. Zavidovići i „Šummex-a“ d.o.o. Vareš (naselje Ljepovići, Vareš).

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“** (odsutni vijećnici Mirnes Ajanović i Amela Brkić) **usvojeno**

***Rješenje o utvrđivanju prava vlasništva u korist
JP „Šumsko privrednog društva Zeničko-dobojskog kantona“ d.o.o. Zavidovići
i „Šummex-a“ d.o.o. Vareš (naselje Ljepovići, Vareš).***

Ad.10.

*(Izveštaj o realizaciji Strategije razvoja Općine Vareš
za period 2017-2026. godine, za 2022. godinu.)*

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Izveštaj o realizaciji Strategije razvoja Općine Vareš za period 2017-2026. godine, za 2022. godinu.

Nakon izjašnjavanja vijećnika predsjedavajuća OV konstatuje da je **sa 10 glasova „ZA“ i 7 „SUZDRŽANIH“ glasova usvojen**

***Izveštaj o realizaciji Strategije razvoja Općine Vareš
za period 2017-2026. godine, za 2022. godinu.***

Ad.11.

(Strategija razvoja Općine Vareš 2017-2026. godine – revidirani dokument.)

Rukovodilac JURA Rusmir Berberović u svom obraćanju dao je uvodne napomene za ovu tačku dnevnog reda i izjavio da Revidirani dokument nije konačan te da svi vijećnici mogu dostaviti svoje eventualne prijedloge za Akcioni plan za iduću godinu koji se nalazi u dokumentu.

Otvorena je rasprava u kojoj je vijećnik Emir Islamović postavio pitanje koliki su efekti i koliko je realizovana Strategija razvoja Općine Vareš.

Rusmir Berberović izjavio je da trenutno nema te podatke, ali može Vijeću za narednu sjednicu dostaviti informaciju od ukupno planiranih projekata i planiranih sredstava (iz vlastitih i drugih izvora) koliko je procentualno realizovana u svakom sektoru Strategija razvoja Općine Vareš.

Nije bilo više učesnika u raspravi i predsjedavajuća OV stavila je na izjašnjavanje Strategiju razvoja Općine Vareš 2017-2026. godine – revidirani dokument.

Nakon izjašnjavanja vijećnika predsjedavajuća OV konstatuje da sa **9 glasova „ZA“ i 7 „SUZDRŽANIH“ glasova** (odsutni vijećnici Mario Mirčić, Amela Brkić i Mirnes Ajanović) **nije usvojena**

Strategija razvoja Općine Vareš 2017-2026. godine – revidirani dokument.

Ad.12.

(Informacija o realizaciji Strategije razvoja omladinske politike na području općine Vareš za period 2019-2024. godine, za 2022. godinu.)

Komisija za pitanja mladih na 3. sjednici održanoj 30.05.2023. godine jednoglasno je donijela sljedeće Zaključke:

- 1. Komisija prihvata Informaciju o realizaciji Strategije razvoja omladinske politike na području općine Vareš za period 2019-2024. godine, za 2022. godinu koja pokazuje realno stanje, te daje pozitivno mišljenje o istoj.**
- 2. Komisija predlaže da novac predviđen Budžetom Općine Vareš pod ekonomskim kodom „transfer za mlade i transfer za provođenje Strategije omladinske politike“ usmjeri se putem javnog poziva za realizaciju aktivnosti iz Strategije omladinske politike: *poticaj samozapošljavanja i unapređenja poduzetništva iz budžeta Općine Vareš za 2023. godinu.***
- 3. Komisija predlaže da u cilju boljeg informisanja mladih i cijelog građanstva vrši se redovno ažuriranje facebook stranice Općine Vareš.**

Izjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici Nurdin Begović (*u svojstvu predsjednika Komisije upoznao je Vijeće sa zaključcima Komisije i dao pojašnjenje o istim*) i Igor Hinger (*uputio sugestiju Komisiji da u narednoj godini proba uskladiti pozive sa javnim pozivima Omladinske banke koja podržava ideje i mikro biznise mladih*).

Zaključena je rasprava i predsjedavajuća OV konstatuje uz Zaključak da je **Vijeće primilo k znanju**

Informaciju o realizaciji Strategije razvoja omladinske politike na području općine Vareš za period 2019-2024. godine, za 2022. godinu.

Predsjedavajuća OV stavila je na izjašnjavanje **Zaključak Komisije**

Komisija predlaže da novac predviđen Budžetom Općine Vareš pod ekonomskim kodom „transfer za mlade i transfer za provođenje Strategije omladinske politike“ usmjeri se putem javnog poziva za realizaciju aktivnosti iz Strategije omladinske politike: *poticaj samozapošljavanja i unapređenja poduzetništva iz budžeta Općine Vareš za 2023. godinu.*

Nakon izjašnjavanja vijećnika predsjedavajuća OV konstatuje da je jednoglasno sa **18 glasova „ZA“** (odsutan vijećnik Mirnes Ajanović) **usvojen predloženi Zaključak.**

Predsjedavajuća OV stavila je na izjašnjavanje **Zaključak Komisije**

Komisija predlaže da u cilju boljeg informisanja mladih i cijelog građanstva vrši se redovno ažuriranje facebook stranice Općine Vareš.

Nakon izjašnjavanja vijećnika predsjedavajuća OV konstatuje da je jednoglasno sa **18 glasova „ZA“** (odsutan vijećnik Mirnes Ajanović) **usvojen predloženi Zaključak.**

Ad.13.

(Informacija o realizaciji Strategije razvoja i unapređenja socijalne zaštite na području općine Vareš za period 2019-2024. godine, za 2022. godinu.)

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

Informaciju o realizaciji Strategije razvoja i unapređenja socijalne zaštite na području općine Vareš za period 2019-2024. godine, za 2022. godinu.

Ad.14.

(Tekuća pitanja.)

Predsjedavajuća OV upoznala je prisutne sa pristiglom poštom i to:

1. Molba za pomoć u rješavanju problema pašarenja na području MZ Brgule, dostavljena od Savjeta MZ Brgule 16.05.2023. godine. Predsjedavajuća OV upoznala je Vijeće da je po ovom dopisu Općinski načelnik uputio dopis Kantonalnoj upravi za inspekciju na dalje postupanje, broj 02-751/23 od 17.05.2023. godine.

Vijećnik Dario Dodik skrenuo je pažnju da isti problem imaju i pojedine druge mjesne zajednice i predložio je da Općinske službe provjere propise koji regulišu ovu materiju i da se vidi da li Općina može donijeti neki akt kojim bi se decidno regulisao način pašarenja (sklapanje ugovora koji se mora prijaviti u Općini).

Predsjedavajuća OV je na prijedlog vijećnika Daria Dodik konstatovala **da Vijeće zadužuje Službu za privredu, finansije i trezor da se očituje po prijedlogu vijećnika i da do sljedeće sjednice OV, Vijeću dostavi informaciju koji je pravni put da se riješi navedeni problem (vidjeti praksu u susjednim općinama).**

2. Zahtjev za izgradnju stepeništa dostavljen od grupe građana naselja Novakovići i Pruga 10.05.2023. godine i Molba sa sanaciju dijela puta naselja Brezik MZ Pržići, dostavljen od Gavran Velimira 11.05.2023. godine.

Predsjedavajuća OV upoznala je Vijeće da se po dopisima očitovala Služba za prostorno uređenje, broj: 02/3-841/23 od 30.05.2023. godine.

3. Vijećnik Igor Hinger predložio je da Vijeće donese Zaključak da se naloži Službi za prostorno uređenje da krene u proceduru izdavanja dozvole za postavljanje kontejnera na dionici puta od MZ Dabravine do Vareša i da se naloži JKP d.o.o. Vareš da u nekom razumnom roku iste i postavi.

Predsjedavajuća OV je na osnovu prijedloga vijećnika predložila i stavila na izjašnjavanje sljedeći

Zaključak:

- **Zadužuje se Služba za prostorno uređenje da izda dozvolu za postavljanje kontejnera na dionici od MZ Dabravine do Vareša na proširenjima i da naloži JKP d.o.o. Vareš da iste postave u razumnom roku, a sve u skladu sa propisima.**

Nakon izjašnjavanja vijećnika predsjedavajuća OV konstatuje da je **jednoglasno sa 18 glasova „ZA“** (odsutan vijećnik Mirnes Ajanović) **usvojen predloženi Zaključak.**

4. Vijećnik Zakir Džafo predložio je da ovlašteni Klubovi u skladu sa Poslovnikom o radu OV do naredne sjednice predlože kandidate za zamjenika predsjedavajuće OV a u vezi ostavke Mirnesa Ajanovića na funkciju zamjenika predsjedavajuće OV i da se pripremi Odluka o razrješenju i imenovanju zamjenika predsjedavajuće.

Predsjedavajuća OV uz dato pojašnjenje a u skladu sa Poslovnikom o radu OV stavila je Ostavku Mirnesa Ajanovića na izjašnjavanje i nakon izjašnjavanja vijećnika konstatuje da je **Ostavka Mirnesa Ajanovića na funkciju zamjenika predsjedavajuće OV jednoglasno sa 18 glasova „ZA“** (odsutan vijećnik Mirnes Ajanović) **prihvaćena.**

Predsjedavajuća OV sugerisala je Klubovima vijećnika da dostave svoje prijedloge za zamjenika predsjedavajuće a sve u skladu sa članom 143. Poslovnika o radu OV sa napomenom poštivanja nacionalne pripadnosti.

5. Predsjedavajuća OV Mahira Brkić podsjetila je na nedostatak parking prostora u gradu i predložila da Vijeće donese zaključak da se definitivno donese Odluka o parking prostoru u gradu i da Vijeće na narednoj sjednici pokuša svečano usvojiti tu odluku i da se prilikom izrade odluke vodi računa da gdje god se može naći mjesto (pa makar i ograničeno do 3-4 sata) da se to mjesto odredi za parking.

Predsjedavajuća OV predložila je i stavila na izjašnjavanje sljedeći

Zaključak:

- **Zadužuje se Služba za prostorno uređenje da za narednu sjednicu OV pripremi Prijedlog Odluke o utvrđivanju površina za parkiranje motornih vozila.**

Nakon izjašnjavanja vijećnika predsjedavajuća OV konstatuje da je **jednoglasno sa 18 glasova „ZA“** (odsutan vijećnik Mirnes Ajanović) **usvojen predloženi Zaključak.**

6. Sekretar OV sugerisao je da treba odrediti rok da političke stranke odnosno koalicije, vijećnici i Klubovi do 15. juna tekuće godine dostave u pisanoj formi prijedlog za zamjenika kako bi Komisija za izbor i imenovanje razmatrala iste i dostavila isto Vijeću na izjašnjavanje.

Predsjedavajuća OV stavila je na izjašnjavanje sljedeći

Zaključak:

- **Da političke stranke, koalicije, vijećnici i Klubovi vijećnika do 15. juna tekuće godine dostave u pisanoj formi prijedloge kandidata za zamjenika predsjedavajuće OV Vareš.**

Nakon izjašnjavanja vijećnika predsjedavajuća OV konstatuje da je **jednoglasno sa 18 glasova „ZA“** (odsutan vijećnik Mirnes Ajanović) **usvojen predloženi Zaključak.**

7. Vijećnik Dario Dodik podsjetio je prisutne da je Vijeće ranije donijelo Zaključak vezano za izradu Odluke o parking mjestima i traži da nadležna služba pripremi Odluku u skladu sa ranijim zaključkom.

Predsjedavajuća OV sugerisala je vijećnicima da pripreme amandmane na prijedlog Odluke.

8. Vijećnik Šaban Ibrišimović informisao je Vijeće da će u junu mjesecu tekuće godine Organizacija civilnog društva Custom iz Sarajeva provesti anketu domaćinstava (do 400) na području općine Vareš o uslugama iz oblasti javne komunalne privrede i o radu općinske administracije.

9. Predsjedavajuća OV podsjetila je Vijeće da je u toku ponovni javni oglas za izbor i imenovanje predsjednika i članova Skupština javnih preduzeća čiji je osnivač Općina Vareš i to za JP Vareš-*stan* d.o.o. Vareš i JP Veterinarska stanica d.o.o. Vareš. Mišljenja je da Odluka o usklađivanju statusa javnih preduzeća nije usklađena sa trenutnim odredbama Zakona o javnim preduzećima i da se treba pristupiti izmjeni odluke iz 2009. godine, a nakon toga treba se pristupiti i izmjeni Odluke o utvrđivanju standarda i kriterija za konačna imenovanja na pozicije u regulirane organe. O istom je dala pojašnjenje.

Predsjedavajuća OV pozvala je sekretara OV da Vijeće informiše koja je način i koja je procedura da se dođe do ovog cilja.

Sekretar OV informisao je Vijeće da u skladu sa članom 104. Poslovnika o radu OV, Vijeće može pokrenuti Inicijativu za izmjene Odluke o usklađivanju statusa javnih preduzeća sa Zakonom o privrednim društvima i javnim preduzećima.

Vijećnik Dario Dodik podsjetio je da u skladu sa Poslovnikom Inicijativu treba uputiti Načelniku na očitovanje a na narednoj sjednici OV Vijeće da se izjasni o istoj.

Predsjedavajuća OV na osnovu rasprave predložila je i stavila na izjašnjavanje sljedeći

Zaključak:

- **Vijeće pokreće Prijedlog Inicijative o pristupanju izmjenama i dopunama Odluke o usklađivanju statusa javnih preduzeća sa Zakonom o javnim preduzećima u Federaciji BiH i Zakonom o privrednim društvima. (JKP d.o.o. Vareš, JP „Vareš-*stan*“ d.o.o. Vareš i JP Veterinarska stanica d.o.o. Vareš)**
- **O prijedlogu Inicijative da se u skladu sa Poslovnikom o radu očituju Načelnik i nadležna služba.**

Nakon izjašnjavanja vijećnika predsjedavajuća OV konstatuje da je **jednoglasno sa 18 glasova „ZA“** (odsutan vijećnik Mirnes Ajanović) **usvojen predloženi Zaključak.**

Sastavni dio ovog Zapisnika je audio zapis sjednice.

Sjednica je završena u 19.27 sati.

SEKRETAR

Leon Pavlović

ZAPISNIČAR

Azra Pijadžer

**PREDSEDavajuća
OPĆINSKOG VIJEĆA**

Mahira Brkić

